

Ниицнъгъүн төмдг

Шидр Элст балгъсна күүкд улсин хург болснд, энъкр эк-нр-экчнрэн байрлтха гигъад, Элст балгъсна детсадсин күүкд болн школсин сургъульчн дегд сәәнәр шундж, ду-ран огч эрдм-билгән гаргъдж, ик концерт үзүлв.

Эн бичкдүдин ценънсин инәдн, хүвтә джиргъл, тер хургт суу-сн әмтсин байриг улм икдү-лв.

Негдгч болн хойрдгч номе-ртә детсадсин бичкдүд түрүн әклдж концертән үзүлцхäv. Наснь гунта-донтә бичкдүд сцен деерәс келвр келәд, ду-дууллдад, би бииллдәд, ум-шлдад зал дуургәд бәәцхäv. Ах багас, дегд сәәнәр хальмг орс хойр күүкн „Бабочка“ гидг би биилв. Дакад бичкдүд зерг-лдж зогсал, ду дуулцхäv.

Эднә дарунь негдгч номер-тә дундин школин орс-халь-

мг көвүд-күүкдәс бүрдси ан-самбль, дегд тодрха айстагъар, әмтнд өврмджтәгъәр „Ондр улан туг“ гидг дууг хальмг келәр дуулцхäv.

Негдгч долан джилә шко-лин пионермүдин ансамбль „Комсомолин марш“ гидг дууг хальмг келәр дуулв, орс ке-ләр кесг дуд йир сәәнәр дуу-лцхäv. Кесг орс күүкд-көвүд шунмгъа, мергн кевәр хальмг күүкд-көвүдлә хальмгагъар би-илцхäv. Келхд, „Хөбч“ гидг хальмг бииг болн „Танец дру-ба“ гидг орс бииг оньчта сә-әнәр биилцхäv.

Тер концерт үзүлси үрдән ямаран кевәр ни-ниицнъгъүгъ ар өсдж бәәхинь үздж, зал суусн улс үлү гидгәр хандж кесгтән, альх ташцхäv.

Эн дегд сән концерт—ни-иньгллгәнә аш!

Бося САНГАДЖИЕВА.